

Stüdafüch de Badia - Control di destodadus (polver, scaia o CO²) scrit dant dala lege: en sabeda ai 12 de novèmber dales 8:30 ales 12:00 te magazin di Stüdafüch de Badia. I stüdafüch y na dita spezialisada piará do i destodadus, che an podará spo indô jí a se tó do da ca. 1 ora. Chësc ne n'è nia ma n sorvisc di stüdafüch ala comunité mo ince n intervënt de prevenziun cuntra le medefüch!

Referat: "La orenté dl paziënt – (Patientenverfügung): *Che tól pa la dezijiun por te, canche tö ne es nia plö bun?"* ai 10 de novèmber dales 20:00 te scola mesana a La Ila cun la referënta Marta von Wohlgemuth dla Caritas. Le Consëi de Formaziun dl Comun de Badia inviëia duc canc.

Referat: „Pericoli in internet, aspetti legali“ cun la Polizia Postala da Balsan, en mertesc 8 de novèmber dales 19:30 tl salf di stüdafüch a San Martin de Tor.

La biblioteca Sas dla Crusc inviëia a La Ila en jöbia ai 10 de novèmber dales 20:00 a chësta manifestaziun *"Bibliotherapie – neue Romane für alle Lebenslagen – ein literarisch-musikalischer Abend"* cun dr. Markus Fritz.

Udiënza dla defensuria zivica Dr. Gabriele Morandell o de súa vize Dr. Verena Crazzolara, en vëndres ai 11 de novèmber dales 14.30 – 16.00, te Comun a S.Martin. Info: tel. 0471 301155; www.volksanwaltschaft.bz.it

Referat: *"L'arpejun de n lüch da paura y döt ci che alda lapró"* organisé dala Uniun di Paurs ai 11 de novèmber dales 19.30 a San Martin de Tor tl salf di stüdafüch cun le referënt Dr. Benno Karbacher.



DANKE, dass ich Augen habe, die Wunder der Schöpfung zu schauen

DANKE, dass ich Ohren habe, den Schrei der Verzweifelten zu hören

DANKE, dass ich Wurzeln habe, die mich halten in dieser bedrohten Welt

Impressum: Ploania Badia, redaziun Cristina Frena

Comunicaziuns cina jöbia sêra a parrocchiabadia@libero.it o frencris49@gmail.com

Download plata: www.valbadiaonline.it/comunite/ploanies/ploanies/ploania-badia.html



Plata dla Ploania

Badia

San Iaco - San Linert

Ploan: **Siur Iaco Wendelin Willeit**

Calonia Badia: **0471/839571**

E-Mail: **parrocchiabadia@libero.it**

Radio dla Ploania: **91,10 Mhz**

UNITÉ PASTORALA




www.unitepastorala.org

Ann C

06.11. - 13.11.2016

XXXII^a Domënia dl Ann

n. 50



**Festa de San Linert
Patron de nosta dlijia**

Vangele dla proscima domënia - XXXIII dl Ann „C“

Luca 21,5-19

Te chël tēmp, tratan ch'al n'è n valgügn che baiâ dl tēmpl, sciöch'al é inforní cun de beles peres y cun ofertes votifs, á Gejù dit: Al gnará n tēmp, dailó ne restará de döt ci ch'i odëis chiló degöna pera sura l'atra; döt gnará trat jö.

Ai á damané: Maester, can sozedará pa chësc, y a ci sëgn conesciaran pa che chësc é tl sozede? Al á respognü: Metede averda, ch'an ne ves ingianes nia! Deache tröc lovará sö te mi inom y dijará: lö sun chëll!, y: Le tēmp é chiló! Ne stede a ti salté do! Y sc'i aldís baián de veres y de tumulc, ne stede a se lascé sprigoré da chëll! Deache chësc mëss sozede por pröm; mo la fin ne vëgn nia ciamó atira. Spo ti ál dit: Al se lasciará sö n popul cuntra l'ater y n rëgn cuntra l'ater. Al gnará de gragn tremoroc y te tröc posc möries y ciaresties; al sozedará cosses da fá pora, y sö al cil odaran de gragn sëgns. Mo denanche döt cant chësc sozed, jaran porsura os y an ves porseghitará. Por gauja de mi inom ves surandaran ales signories dles sinagoghes, an ves sciurará te porjun y ves condejará dan da resc y governanc. Spo podarëise dé testimonianza. Tolesse dassënn dant de ne ves cruzié nia damperfora por osta defenüda; deache iö ves dará ite les parores y la sapiënza, insciö ne sará üsc aversars nia bugn da se mëte cuntra os y de dé decuntra.

FUNZIUNS SACRES

06.11. **32^a DOMÈNIA dl Ann C** - De de rengraziament dla racoiüda

FESTA de S. LINERT

- 09.00** Mëssa ciantada solena en onur de S.Linert
10.45 *Sfilada cun i ciavai y benedisciun*
18.00 †to Albert Piccolruaz – aniversar
†to Tone Pitscheider - aniversar
†ti Rosina y Franz Irsara – aniversar
†ta Maria Rubatscher Anvidalfarei - aniversar

08.11. Mertesc - S.Gottfried

- 19.30** †to Pire Crazzolaro - aniversar y †ti de Runch
†to Albert Tavella
vis y †ti de Carolina Pizzinini Pitscheider

09.11. Mercui *Mëssa cun i scolars dla elementara*

- 07.30** †ti Paul, Tarina, Helga y Zilia Valentin - aniversar
†ti Giuseppe y Notburga Burchia - aniversar
†ti dla fam. Erwin y Trina Pescosta

10.11. Jöbia *Mëssa cun i crejimá y crejimanc*

- 19.30** †to Franz Irsara de Jan - aniversar
†ti Nando, Celestina y Erich De Giovanni
vis y †ti de Irma Ploner

11.11. Vëndres – S. Martin

- 07.30** †ti Zilia y Gottfried Nagler - aniversar
†ti Paul y Cherubin Anvidalfarei
por les animes dl purgatore


12.11. Sabeda – S.Iosafat

- 16.00** Mëssa a Oies


13.11. **33^a DOMÈNIA dl Ann C** – Domènia dla Caritas

- 10.00** Mëssa por la Comunità • oferta por la Caritas •
15.00 Festa da Bato
18.00 †ta Gerda Schulze Irsara – aniversar
†ti Bertoldi
por fam. Sandro y Emma Costa

Dala VITA dla CÜRA



Preparaziun al Bato: la Uniun dles Ères de nosc decanat inviëia i geniturs che á n pice möt da batié, pers che aspeta, toc y totes ala preparaziun dl Bato, che vëgn tignida en sabeda ai 12 de novëmber dales 15:00 ales 17:00, te salf de colonia a San Ciascian. Prenotaziuns al numer 0471/849372.



Iscriziuns ala Crejima 2017: i jogn y jones che vá ala Crejima dess se presenté te colonia, acompagná da n genitur, en sabeda ai 12 de novëmber dales 10 ales 11.

I crejimá y crejimanc é inviá en jöbia ai 10 de novëmber dales 18:30 te local di ministranc por na proa da cianté.

Incuntada por crejimanc y geniturs di paisc dl Comun de Badia cun la jona Sara Moling da Lungiarü che cuntará de süa esperiënza de volontariat tl Brasile y tl' India en lünesc ai 14.11.2016 dales 16:30 tl' Aula Magna dla Scola Mesana a La Ila.



MARTINSZUG

Festa de S. Martin: en vëndres ai 11 de novëmber dales 17:00 vá i mituns y les mitans dla scolina cun la linterna deboriada jö da paiun, olache al vëgn fat na picera festa. Geniturs, parënc y amisc é dër bel inviá a tó pert a chësta bela tradiziun.

Sëra sura le perié / dí dant la corona: en lünesc ai 7 de novëmber dales 20:00 te Ciasa dles Uniuns a Calfosch cun siur degan Iaco Willeit.

Referat cun siur Sepl Granruaz che vá inant cun la spligaziun de n salm en jöbia ai 10 de novëmber dales 20:00 te Ciasa Runcher.



En domènia, ai 13.11.2016 complësc **Laurënz Irsara** de Valgiarei **80** agn. L'Senioreclub y düta la Comunità ti aoda düt l'bun, sanité y benedisciun de Dî.